



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბუჩქნარის მემინდვრია

ბუჩქნარის მემინდვრია [*Microtus (pitymys) majori*], ძუძუმწოვარი ცხოველი მღრღნელების რიგისა. გავრცელებულია ევროპაში, მცირე აზიაში, სამხრ. ამერიკასა და კავკასიაში. ბინადრობს ფოთლოვან და ნაწილობრივ შერეულ ტყეში, ბუჩქნარებში, მთაგორიან მდელოებზე. ვერტიკალურად ვრცელდება 2300 მ-მდე. ბუდეს იკეთებს სოროში, რ-საც თვითნვე თხრის. შობს 3-4 ნაშიერს. წლის განმავლობაში მრავლდება 2-3-ჯერ. იკვებება მარცვლოვანი კულტურებით, ბალახით, თესლით, ბოლქვებით და ფესვებით. იძლევა რამდენიმე ქვესახეობას. საქართველოში გავრცელებულია მცირეაზიური ბ. მ. [*M. (Pitymys) m. majori*], ბინადრობს ახალციხისა და ახალქალაქის ზეგნებზე, აჭარაში, აფხაზეთში, სვანეთში, რაჭაში, შიდა ქართლში; სურამული ბ. მ. (*M. m. Suramensis*), გვხვდება კავკასიონის ცენტრ. ნაწილში, სურამთან, თრიალეთის ქედზე; დაღესტნური ბ. მ. (*M. m. dagestanicus*), გვხვდება თუშეთში, ხევსურეთში.

გ. ენუქიძე
